

桃園市大同國小 113 學年度校內語文競賽 臺灣台語情境式演說稿

各位評判先生、各位同學:逐家好!我是第 號，今仔日我欲講的是第 1 張圖。

(看評審老師攞提好圖了後，才開始講)

阿明的阿嬤真 gau3 栽菜，無論是玻璃菜抑是白菜、菠薐仔，攞發甲誠嬌。這工透早，阿明綴阿嬤去菜園 khau 菜頭，哇…歸區青 phiang3 phiang3，實在真心適! In 嬤孫仔兩個人那 khau 那開講，無佻久就 khau 好勢仔。

菜頭會當做的料理真濟，其中，阿明上愛食的是阿嬤炊的菜頭粿。做菜頭粿的材料會當簡單，嘛會當澎湃。這擺阿嬤準備豬肉、香菇、蝦米、紅蔥頭攞有在來米，欲做阿明上愛食的口味。做菜頭粿誠厚工，驚阿嬤傷忝，阿明主動提副仔共菜頭的皮副好勢，予阿嬤挫簽。

準備好的粿漿倒落去粿模，就會當囷入去籠床炊矣。阿嬤講以早炊粿攞是用灶燃柴，時代進步，今嘛用瓦斯爐加足方便。囷轉大火炊無佻久，就鼻到一陣一陣菜頭粿的芳味，乎阿明的喙攞強欲流落來矣。

經過 2 點鐘久，總算炊好矣。拄炊好的菜頭粿芳貢貢攞軟 Q 軟 Q，阿嬤切一盤乎逐家趁燒食，搵寡蒜頭豆油，嗯…愈食愈涮喙，阿嬤的手藝實在是乎人呵咾甲會觸舌呢!阿嬤褒阿明不但識代誌攞誠骨力，會曉共大人鬥相共，有影真乖!阿明講:「會當共阿嬤鬥跤手，我嘛誠歡喜呢!」講煞，規家伙仔攞歡喜甲笑哈哈。

我就講到這，多謝大家!